

歷朝名人詞選

歷朝名人詞選卷十目次

長調

漢宮春 三首 又名慶千秋

燭影搖紅 二首

天香 四首

步月 一首

夢揚州 一首

八聲甘州 一首

醉蓬萊 二首

慶清朝 一首

暗香 三首 又名紅情

聲聲慢 二首

歷朝名人詞選

卷十目次

一掃葉山房石印

西子粧 一首

夏初臨 一首

黃鸝遶碧樹 一首

留客住 二一首

玉京謠 一首

倦尋芳 二一首

帝臺春 一首

瑤臺第一層 一首

綠蓋舞風輕 一首

長亭怨慢 一首

雙雙燕 一首

玲瓏玉 一首

雲仙引 一首

孤鸞 二首

晝夜樂 一首

鎖牕寒 二首

三姝媚 二首

金菊對芙蓉 一首

垂楊 一首

催雪 一首

陌上花 一首

燕山亭 一首

月華清 一首

大有 一首

瑤臺聚八仙  
二首  
又名新雁過粧樓

歷朝名人詞選卷十

清綺軒原本

華亭夏秉衡選

長調

漢宮春

詠梅

宋李邴

瀟灑江梅向竹梢。疎處橫兩三枝。東風也不愛惜。雪壓霜欺。無情燕子怕春寒。輕失花期。惟是有南來塞雁。年年長見開時。清淺小溪如練。問玉堂何似。茅舍疎籬。傷心故人去後。冷落新詩。微雲淡月對孤芳。分付伊誰。空自倚清香。未減風流不在人知。

立春

辛棄疾

春已歸來。看美人頭上。裊裊春幡。無端風雨未肯收。盡寒年時燕子。料今宵夢到西園。渾未辦。黃柑薦酒。更傳青韭堆盤。卻笑東風

從此便薰梅染柳更沒些閒閒時又來鏡裏轉變朱顏  
清愁不斷問何人會解連環生怕見花開花落朝來塞鴈先還

飛來峯

本朝  
毛先舒

何處飛來怪玲瓏剔透如此之奇攀援未敢直上烏慄猿危芙蓉干  
朶亂雲頭嫋娜參差了不信洪荒世界都非斧鑿爲之拾翠佳人  
相問問低穿花洞可有靈芝只愁被仙迷住海變桑移天香雲外一  
陣陣吹染綃衣終有日飛還西竺我當乘此而歸

燭影搖紅

元夕

本朝  
汪森

霽月湖山燒鐙時序春寒淺翠樓十二晚粧明次第珠簾卷乍是清  
光一片又參差春星萬點錢塘佳麗千載風流太平如見身入冰  
壺仙遊也許詞人占霓裳試罷綵雲旋促拍新聲變正好留杯泛煖

近蓬萊。天風怒展。魚龍謾舞。鸞鳳雙飛。玉屏人遠。

春感

閩秀 商景蘭

春入華堂。玉堦草色重重暗。寒波一片映闌干。望處如銀漢。風動花枝深淺。忽思量時光如箭。歌聲撩亂。環珮丁當。繁華未斷。游賞池臺。滄桑頃刻風雲換。中宵笳角惱人腸。泣向庭幃遠。何處堪留顧盼。更可憐子規啼遍。一枝殘蠟滿壁。圖書幾聲長歎。

天香

龍涎香

宋 李彭老

搗麝成塵。薰薇注露。風酣百和花氣。品重雲頭。葉翻蕉樣。共說內家新製。波浮海沫。誰喚覺。鮫人春睡。清潤俱饒。片腦芬馥。半是沈水。相逢酒邊。雨外火初溫。翠爐細細。不侶寶珠金縷。領巾紅墜。荀令如今憔悴。消未盡當時愛香意。燼暖燈寒。秋聲素被。



村居

元景覃

市遠人稀林深犬吠山連水村幽寂田里安閒東鄰西舍准擬醉時  
歡適社神雨禱有簫鼓喧天吹擊宿雨新晴壠頭閒看露桑風麥  
無端短亭暮驛恨連年此時行役何似臨流蕭散緩衣輕幘炊黍烹  
雞自勞有脆綠甘紅薦芳液夢裏春泉糟牀夜滴

龍涎香

本朝鈕琇

杵月千年搓雲萬里驪宮睡成珠老瑞腦同分袖縈已化製就博山  
鑪巧春來甚處看玉手鏤花纖爪長日鎖窗暗逗微風畫簾青裊  
何事浣薇刻棗酒醒時夜聞偏好重撥殘灰銀葉漸生紅小沾袖餘  
馨在否但如絮柔情向空繞暝坐氤氳寒侵獨早

綠牡丹

曹貞吉

國色凝香露華垂檻苔痕欲上階砌不就輕黃還成嫩碧接葉交柯

無二石家金谷。供妙舞珠珠濃睡。渲染春光好處。掩映一天空翠。  
魚子暮雲微起。帶蕉窗幾分涼意。暗想阿誰眉黛。遠峯如此。倒挂嶺  
南么鳳。莫藏影。花閒覓花蕊。芳草成裊。碧旗碾試。

步月

本意

宋史達祖

剪柳章臺。問梅東閣。醉中携手初歸。逗香簾下。璀璨縷金衣。正依約  
冰絲射眼。更荏苒。蟾玉西飛。輕塵外。雙鴛細蹙。誰賦洛嬪妃。霏霏  
紅霧繞。步搖共髻影。吹入花園。管絃將散。人靜燭龍稀。泥私語。香櫻  
乍破。怕夜寒。羅襪先知歸來也。相偎未肯入重幃。

夢揚州

中春

宋秦觀

晚雲收。正柳塘煙雨初休。燕子未歸。惻惻輕寒如秋。小闌干外。東風

軟透繡幃花密香稠江南遠人何處鷓鴣啼破春愁長記曾陪燕  
遊酬妙舞清歌麗錦纏頭殢酒因花十載因誰淹留醉鞭拂面歸來  
晚望翠樓簾捲金鈎佳會阻離情正亂頻夢揚州

八聲甘州

秋怨

宋柳永

對蕭蕭暮雨灑江天一番洗清秋漸霜風淒緊關河冷落殘照當樓  
是處紅衰綠減苒苒物華休惟有長江水無語東流不忍登高臨  
遠望故鄉渺渺歸思難收數年來蹤跡何事苦淹留想佳人粧樓顚  
望誤幾回天際識歸舟爭知我倚闌干處正恁凝愁

醉蓬萊

染指

本朝路鶴徵

傍雕闌壁砌金鳳抽英垂垂堪摘搗入銀罌似杯盛琥珀刺繡針仙

郎終遠待寄。與相思。猶阻燭影下。開玉合。背人偷數。

咏橘

黃庭

包山秋日。記兩峯繡壓。半湖晴碧。隔水人看紅樹。村莊畫屏。色便有籠寒絳袖。香霧裏嫩枝先摘。正極浦估客船來。返照柁樓赤。誰識軟紅陌。縱剪綵上林。錦苞難覓。騎飛霜驛。卸馱青門凍。香滷卯酒。渴思紺唾。怕不是露華初滴。倩妙手還鏤。做一燈夜炙。

聲聲慢

秋聲

宋 蔣捷

黃花深巷。紅葉低窗。淒涼一片秋聲。豆雨聲來。中間夾帶風聲。疎疎二十五點。麗譙門不鎖。更聲故人遠。問誰搖玉佩。簷底鈴聲。彩角聲吹月墮。漸連營馬動。四起笳聲。閃爍鄰燈。燈前尚有砧聲。知他訴愁到曉。碎嘒嘒多少。蛩聲訴未了。把一半分與。雁聲。

秋情

李清照

尋尋覓覓冷冷清清。淒淒慘慘戚戚。乍暖還寒時候，最難將息。三杯兩杯淡酒，怎敵他、曉來風急。雁過也，正傷心，卻是舊時相識。滿地黃花堆積，憔悴損，如今有誰堪摘。守著窗兒，獨自怎生得黑。梧桐更兼細雨，到黃昏、點點滴滴。這次第，怎一箇愁字了得。

西子妝

頻婆果

本朝 蔣景祁

圓不成，搓嬌難著，搯絕域果名誰記。含華滴露，壓枝頭帶春星。草堂都墜。天孫事秘，儘費意、甘勻粉膩。落青糝，正雨晴煙淡，夕陽拖水。西來意，笑靨盈盈，幾件花下醉。剖將香玉，晚涼生，迸薄寒，不禁纖指。訊他芳字，怎橋叟、荔奴堪戲。漱餘芬，一卷楞嚴咒裏。

夏初臨

送春

明楊基

瘦綠添肥病紅催老園林昨夜春歸天氣清和輕羅試著單衣雨餘  
門掩斜暉看翩翩乳燕高飛荷錢猶小芭蕉漸長新竹成圍何郎  
粉淡荀令香銷紫鸞夢遠青鳥書稀新愁舊恨在他紅藥闌西猶記  
當時水晶簾一架薔薇有誰知千山杜鵑無數鶯啼

黃鸝遶碧樹

槐院

本朝陳枋

一樹堂陰直軒窗落影綠沈髹几步屨苔痕鎮參差遮定半庭空翠  
先秋病葉早三兩因風輕墜渾不辨細雨梢鶯怎處驀然飛起笑  
憶長年舊事馬蹄忙落花黏地強行遍是衝炎亭堠散霧城市今夕  
暹羅席好且淺蔭南柯睡冷淘香飯成時閒吟閒醉

留客住

鷓鴣

本朝 李良年

楚天杳。凭筇輿。羊腸似髮。荒煙墜葉。一片鈞鞞蠻鳥。南飛故噀。行客占斷千里秋山。吟不了。蘆衰竹苦。正聽殘野店酒旗風裊。江細繞。竿渡人稀。但橫斜照。解語參軍。愁裏暗歛烏帽。記得鄭家留句。花落黃陵雨昏。湖外草更堪何處。鎮清猿杜宇。和他悽調。

前題

沈岸登

鎮相對。伴夕陽無邊野色。荒茅亂竹。是處蠻天黏水。行人已是腸斷。何況花落聲聲啼更起。竿橋半渡。便等閒溼了。那時衣袂。飛去矣。倚檻誰家。兩峯低翠。懊惱年年。還住桂江歸未。忍向木棉枝上。聽到春深曉風殘夢裏。翻憐朋鳥。任棲煙和雨。不曾分背。

玉京謠

十姊妹

本朝 黃之雋

密葉藏春羽。體弱音輕。雅稱嬌名字。細數排行。應教徧屈。纖指抵多。  
少秦虢風情。增一半緹縈才思。巢花底。爭如去做。昭陽燕子。分明  
有箇風流婿。儘瞞人算蛾眉一隊。喚到香闈。十姨輕俊。難比笑獨宿。  
鸞鳳孤單。看並坐鴛鴦七。二花如綺。偏愛小名相似。

倦尋芳

閨夜

宋 潘元質

獸環半掩。鴛鴦無塵。庭院瀟灑。樹色沈沈。春盡燕嬌鶯姘。夢草池塘。  
青漸滿海棠軒檻。紅相亞。聽簫聲。記秦樓夜約。彩鸞齊跨。漸迤邐。  
更催銀箭。何處貪歡。猶繫驄馬。旋剪燈花。兩點翠眉誰畫。香滅羞回。  
空帳裏。月高猶在。重簾下。恨疎狂。待歸來。碎揉花打。

廢園

本朝 丁 煒

征橈倦艤。吟屐閒尋。麥畦趁燕。窄徑沙傾。簌簌冷風吹面。種芰池荒。



蛙部鬧。藝蘭圃。潦牛涔。見試憑臨。望孤村似帶。澄江如剪。傷佳構。  
平泉辛苦。奇石名葩。錦檻移徧。舞扇歌衫。昔日漁樵曾看。殘榭煙凝。  
秋草碧。舊樓人送。春山遠。正淒涼。又殘鴉數聲飛散。

帝臺春

春懷

本朝 梁清標

晴日炙。雪初消。池水碧。遊鯉負冰。好鳥窺人。閒愁增劇。追憶年時香。  
閣裏。携手看故山。春色奈而今。惱亂東風。遍吹孤客。春猶昔。渾暗。  
擲人咫尺。何從覓。歎陌上青青。又生芳草。薄暮綠煙如織。湖海氣難。  
一旦減。兒女淚已干。行滴漸近了。花朝怕重提。寒食。

瑤臺第一層

重九

本朝 錢芳標

雨屐煙筇。今老矣。登臨也。漸慵。草堂高處。新營欄楯。喜對晴空。閉門。

無不可管領得一段秋容疎林罅逗鸞環山角髻小螺重 匆匆茶  
萸在手幾人能醉夕陽中故園佳節從教戲馬輸與冥鴻蠟香螯正  
熟算百年開口難逢蠟花紅任衣霑涼露帽側尖風

綠蓋舞風輕

白蓮

宋周密

玉立照新粧翠蓋亭亭凌波步秋綺眞色生香明璫搖淡月舞袖斜  
倚耿耿芳心奈千縷晴絲縈繫恨開遲不嫁東風顰怨嬌盡花底  
謾卜幽期素手採珠房粉艷初洗雨溼鉛腮碧雲深暗聚軟綃清淚  
訪藕尋蓮楚江遠相思誰寄棹歌回衣露滿身花氣

長亭怨慢

離愁

宋姜夔

漸吹盡枝頭香絮是處人家綠深門戶遠浦縈迴暮帆零亂向何許

閱人多矣。誰得似長亭樹。樹若有情時。不會得青青如此。日暮望  
高城不見。只見亂山無數。韋郎去也。怎忘得玉環分付第一。是早早  
歸來。怕紅萼無人爲主。算只有并刀。難剪離愁千縷。

雙雙燕

本意

宋 史達祖

過春社了。度簾幙中閒。去年塵冷。差池欲住。試入舊巢相並。還相雕  
梁藻井。又軟語商量不定。飄然快拂花梢。翠尾分開紅影。芳徑芹  
泥雨潤。愛貼地、爭飛競。誇輕俊。紅樓歸晚。看足柳昏花暝。應是棲香  
正穩。便忘了天涯芳信。愁損翠黛雙蛾。日日畫欄獨凭。

玲瓏玉

詠雪

宋 姚雲文

開歲春遲。早贏得、一白瀟瀟。風窗浙簌。夢驚錦帳春嬌。是處貂裘透。

暖任尊前回舞紅倦柔腰今朝虧陶家茶鼎寂寥料得東皇戲劇  
怕蛾兒街柳先鬪元宵宇宙低迷倩誰分淺凸深凹休嗟空花無據  
便眞箇瓊雕玉琢總是虛飄且沈醉趁樓頭零片未消

雲仙引

燒香詞

本朝范攢

枕岫雲鬆被池浪靜妝樓梯級慵登曾相約記分明鄰姬替儂梳髻  
換筆勾眉細細青扶入船牕溪頭萍散山腳煙凝汀花岸草星星  
早襯出依微佛寺燈晴雨天光去來潮信倚檻關情酒館壺忙茶亭  
井濕大路喧闐小路清悄下肩輿蒲團分拜私祝無聲

孤鸞

咏梅

宋趙以夫

江頭春早問江上寒梅占春多少自照疎星冷祇許春風到幽香不

知甚處。但迢迢滿河煙草。回首誰家竹外。有一枝斜好。記當年曾  
共花前笑。念玉雪襟期。有誰知道。喚起羅浮夢。正參橫月小。淒涼更  
吹塞管。謾相思。鬢華驚老。待覓西湖半曲。對霜天清曉。

夏景

本朝 羅 坤

安榴紅茜。值小雨初晴。濃陰滿院。單夾羅衣水檻涼。生池面荷芰又  
開多少。倚闌干。鬢鬆釵顫。憶昔王郎。桃葉故弄清團扇。算將來只  
有梁閒燕。似伴我空牀。憐人哀歎。將桃笙慢。俛早又催更箭。几上博  
山火。瘦更重。添鷓鴣香片。試抱秦箏靜裏聽歌珠一串。

晝夜樂

憶別

宋 柳 永

洞房記得初相遇。便只合長相聚。何期小會幽歡。變作別離情緒。況  
值闌珊春色。暮對滿目亂花狂絮。直恐好風光盡。隨伊歸去。一場

寂寞憑誰訴。算前言、總輕負。早知恁地難拚，悔不當初留住。其奈風流端正，外更別有繫人心處。一日不思量也，攢眉千度。

鎖廳寒

寒食

宋周邦彥

暗柳啼鴉，單衣迤立。小簾朱戶，桐花半畝，靜鎖一庭愁雨。灑空階、更闌未休。故人剪燭西牕語，似楚江、暝宿風燈零亂。少年羈旅，遲暮嬉遊處。正店舍無煙，禁城百五。旗亭喚酒，付與高陽儔侶。想東園、桃李李白，春小唇秀。屬今在否。到歸時，定有殘英待客携樽俎。

東風

本朝丁彭

誰遣伊來，薄幃輕透。惱人情緒，偷送春光，巧逗眉心一縷。怪東風、著意相尋，黃昏滿院，催紅雨。更入柳，非煙弄花，無影斷腸，何處憔悴。防人恨，偏瘦惹梨花香。翻燕羽，牆頭馬上，剪剪輕寒乍起。暈紅酥，漸

逼羅襟。畫樓垂手人如醉。倍愁他慣引消魂。賺盡傷春淚。

### 三姝媚

櫻桃

宋 王沂孫

紅纓懸翠葆。漸金鈴枝深。瑤階花少。萬顆燕支。贈舊情爭奈。弄珠人老。扇底清歌。還記得、樊姬嬌小。幾度相思紅豆。都銷碧絲空。裊芳意。茶蘼開早。正夜芭瑛盤素蟾。低照薦筍同時。歎故園春事已無多了。貯滿筠籠。偏暗觸天涯懷抱。漫想青衣初見。花陰夢好。

### 十姊妹

本朝 李良年

曲欄春已謝。又綠刺鈎連。數莖開乍。過雨晨粧。看香肩初並。薄寒亭榭。聯袂難分。還只繞薔薇舊架。採摘誰憐。一段閒愁。低回自寫。小鳥呼名曾借。任銜了紅巾。啁啾不下。湘水雙妃。更楊家五隊。嫣然相亞。睡起殘脂點石上。青苔如畫。自顧無媒。不願東風催嫁。

金菊對芙蓉

聽雨

本朝 吳參成

黃菊辭秋丹楓醉晚寒光半透晶簾更蟲吟芳砌露滴虛檐舊年此  
日初寒也記龍涎寶鴨頻添清簫一曲紅分塔影綠壓莎尖 筵前  
夜漏厭厭儘高談雄辨綠髻蒼髯指征鴻帶溼幾度江南涼雲淡霽  
朱闌暮望山頭黛剩粧奩閒窗悄話催詩好雨酒盞頻拈

垂楊

咏柳

宋 陳允平

銀屏夢覺漸淡黃嫩綠一聲鶯小細雨輕塵建章初閉東風悄依然  
千樹長安道翠雲鎖玉牕深窈斷橋人空倚斜陽帶舊愁多少 還  
是清明過了任煙縷露條碧纖青嫋恨隔天涯幾回惆悵蘇堤曉飛  
花滿地誰爲婦甚薄倖隨波縹緲啼鴉不喚春歸人自老



催雪

雪意

宋 王沂孫

陰積龍荒。寒度雁門。西北高樓獨倚。悵短景無多。亂山如此。欲喚飛瓊起舞。怕攪碎紛紛銀河。水凍雲一片。藏花護玉。未教輕墜。清致。悄無似。有照水南枝。已攬春意。誤幾度。憑欄莫愁凝睇。應是梨花夢好。未肯放東風來人世。待翠管吹破蒼茫。看取玉壺天地。

陌上花

有懷

元 張翥

關山夢裏歸來還。又歲華催晚。馬影鷄聲。語盡倦郵荒館。綠箋密記。多情事。一看一回腸斷。待殷勤寄與。舊遊鶯燕。水流雲散。滿羅衫。是酒香痕凝處。唾碧啼紅相半。只恐梅花瘦倚。夜寒誰暖。不成便沒相逢日。重整釵鸞箏雁。但何郎縱有春風詞筆。病懷渾懶。

燕山亭

楊梅

元張雨

鶴頂珠圓。蝟肌粟聚。寶葉揉藍。初洗親剪。翠柯遠贈。筠籠脈脈。紅泉流齒。骨換丹砂。笑尙帶儒酸風味。誰記曾問譜。西冷綠陰青子。君家幾度。樽前摘天上。繁星伴人同醉。纖手素盤。歷亂殷紅。浮沈半壺脂水。珍果同時。惟醉寫來禽青李。爭似爲越女。吳姬染指。

月華清

春月

宋洪璚

花影搖春。蟲聲吟暮。九霄雲幕初捲。誰駕冰蟾。擁出桂輪天半。素魄映青鎖。牕前皓彩散。畫闌干。畔凝眄。見金波滉漾。分輝鵲殿。況是風柔夜暝。正燕子新來。海棠微綻。不似秋光。只照離人腸斷。恨無奈。利鎖名韉。誰爲喚舞裙歌扇。吟玩怕。銅壺催曉。玉繩低轉。

大有

九日

宋 潘希白

戲馬臺前采花籬下。歲華還是重九。恰歸來南山翠色依舊。簾櫳昨夜聽風雨。都不似登臨時候。一片宋玉情懷十分衛郎清瘦。紅黃佩空對酒。砧杵動微寒。暗欺羅袖。秋色無多。早是敗荷衰柳。強整帽簷欹側。曾經向天涯搔首。幾回憶故國。尊鱸霜前鴈後。

瑤臺聚八仙

秋夜

宋 陳允平

望遠秋平。初過雨微茫。水滿煙汀。亂葦疎柳。猶帶數點殘螢。待月重樓誰共倚。信鴻斷續兩三聲。夜如何。頓涼驟覺。紈扇無情。還思驂鸞素約。念鳳簫雁瑟。取次塵生。舊日潘郎。雙鬢半已星星。琴心錦意暗懶。又爭奈西風吹恨醒。屏山冷。怕夢魂飛度。藍橋不成。

虎邱

本朝 陳維崧

紺殿雕軒千人石。夜深曾記同遊。一天皓月和煙。罨住長洲。誰卷定風波。一曲玉簪輕卸。節奏秦謳。蘸霜毫。題名偏向青粉牆頭。重來莓苔蝕徧。歎風吹雨打。往事都休。迴廊坼盡。數行難覓銀鈎。池邊重窺絕壑。只老樹斜眠。壓酒樓。迴船好趁笛聲未緊。歸伴沙鷗。

歷朝名人詞選卷十終

歷朝名人詞選卷十一目次

長調

念奴嬌 十三首 百字令 大江東去 壺中天

東風第一枝 三首

琵琶仙 一首

渡江雲 三首

換巢鸞鳳 一首

御帶花 一首

萬年歡 一首

絳都春 一首

解語花 三首

桂枝香 四首 卽疎簾淡月

曲江秋 一首

翠樓吟 一首

玉燭新 一首

珍珠簾 三首

木蘭花慢 二一首

花犯 一首

瑞鶴仙 三首

水龍吟 八首 又名莊椿歲 小樓連苑

憶舊遊 一首

歷朝名人詞選卷十一

清綺軒原本

華亭夏秉衡選

長調

念奴嬌

書壁

宋 辛棄疾

野棠花落。又匆匆過了清明時節。剗地東風欺客夢。一枕銀屏寒怯。曲岸持觴。垂楊繫馬。此地曾經別。樓空人去。舊遊飛燕能說。聞逆綺陌東頭。行人長見。簾底纖纖月。舊恨春江流不盡。新恨雲山千疊。料得明朝樽前重見。鏡裏花難折。也應驚問近來多少華髮。

赤壁懷古

蘇軾

大江東去。浪淘盡千古風流人物。故壘西邊人道是三國周郎赤壁。亂石穿空。驚濤拍岸。捲起千堆雪。江山如畫一時多少豪傑。遙想



公瑾當年小喬初嫁了。雄姿英發。羽扇綸巾。談笑處。檣櫓灰飛煙滅。故國神遊。多情應笑我。早生華髮。人生如夢一樽還酹江月。

荷花

姜夔

鬧紅一舸。記年時常與鴛鴦爲侶。三十六陂人未到。水佩風裳無數。翠葉吹涼。玉容消酒。更灑菰蒲雨。嫣然搖動。冷香飛上詩句。日暮青蓋亭亭。情人不見。爭忍凌波去。只恐舞衣寒易落。愁入西風南浦。高柳垂陰。老魚吹浪。留我花間住。田田多少。幾回沙際歸路。

垂楊

章謙亨

垂楊得地在樓臺側畔。無人攀折。不似津亭舟繫處。只伴客愁離別。絲過搖金帶。鋪新翠。雅稱鶯調舌。芳筵相映。最宜斜挂殘月。卻得連日春寒。未教輕滾。一片庭前雪。應恨張郎今老去。難比風流時節。醉眼渾醒。愁眉都展。舞困腰肢怯。有時微笑。把伊綰箇雙結。

詠月

韓駒

海天向晚漸霞收餘綺波澄微綠木落山高眞箇是一雨秋容新沐  
喚起姮娥撩雲撥霧駕此一輪玉桂華疎淡廣寒誰伴幽獨不見  
弄玉吹簫樽前空對此清光堪掬霧鬢風鬟何處問雲雨巫山六六  
珠斗爛爛銀河清淺影轉西樓曲此情誰會倚風三弄橫竹

閨怨

程垓

秋風秋雨正黃昏供斷一窗愁絕帶減衣寬誰念我難忍重城離別  
轉枕褰帷挑燈整被總是相思切知他別後負人多少風月不是  
怨極愁濃只愁重見了相思難說料得新來魂夢裏不管飛來蝴蝶  
排悶人閒寄愁天上終有歸時節如今無奈亂雲依舊千疊

春情

李清照

蕭條庭院又斜風細雨重門須閉寵柳嬌花寒食近種種惱人天氣

險韻詩成扶頭酒醒別是閒滋味征鴻過盡萬千心事難寄樓上  
幾日春寒簾垂四面玉欄干慵倚被冷香銷新夢覺不許愁人不  
起清露晨流新桐初引多少遊春意日高煙斂更看今日晴未

白蓮

元張堊

水風清暑記平湖十里寒生紈素羅襪塵輕雲冉冉髻鬢凌波仙女  
雪艷明秋瓊肌沁露香滿西陵浦蘭舟一葉月明曾到深處誰念  
玉珮飄零翠房淒澹幾度相思苦異地相看渾是夢忍把荷觴深注  
碧藕多絲霜莖有刺脈脈愁煙雨江雲繚亂倚欄終日凝竚

聽琴

本朝宋堊

消憂何處愛張融舟屋軒窗偏闊綠樹陰森新雨後一架藤花爭發  
文酒移情煙雲過眼俯仰塵襟豁枯桐挂壁鞠通隱曾齧客有  
江左風流郢中高調抱取金徽拂四座無言燈影靜清響傳來超忽

曲奏離騷。腸迴冰炭。宿鳥驚林樾。嗒然相對。當簷飛出明月。

茉莉

王彥泓

簾櫳午寂。正陰陰窺見後堂芳樹。綠徧長叢。花事杳。忽見瓊葩手度。  
豔雪肌膚。蕊珠標格。消盡人閒暑。還憂風日。曲屏羅幙。遮護長記。  
歌酒闌珊。微風暗麝。笑覓衣沾露。月沒闌干。天似水。相伴謝娘窗戶。  
浴後輕鬟。涼生滑簟。總是牽情處。惹人幽夢。枕邊零亂如許。

咏月

姚期穎

嬋娟何處。看團團明月。玉欄孤凭。銀漢無聲。光似水。天闊琉璃千頃。  
柳影輕篩。竹陰低覆。恍惚迷花徑。何人吹笛。夜闌無限。清興不道。  
有客西園。臨風遙憶。望著紅樓迥。雲髻鬢鬆。簾外步坐久。眞愁露冷。  
玉漏將殘。羅幙強入。料得眠還醒。曉風數陣。梧桐亂落。金井。

別友

徐允哲

大江南望。見驚濤千里。是吾歸路。客裏相逢。眞汗漫。明月留人不住。  
南浦。蘼蕪津。亭紅葉多。做傷秋緒。西風快也。蒲帆又早飛渡。記得  
剪燭論文。紅橋覽勝。五夜高朋聚。可奈離愁。殊草草。愁絕單衣風露。  
雁字排空。櫓聲搖碧。落日江村暮。故人回望。廣陵一片煙樹。

咏水

沈謙

玉壺一夜把青霜。皓月團團結就。恠道繡衾寒。似鐵向曉。不聞蓮漏。  
映日狐疑。銜花魚上。遙想融和候。滹沱正合。可憐車馬馳驟。還憶  
翠閣佳人。曉窗垂淚。珠玉沾襟袖。挑得口脂呵。又凍紅入小桃。偏厚  
鏤管徽舍。金簧細炙。悶把無情况。東風早至。寒江吹變。醅醕。

東風第一枝

立春

宋史達祖

草腳愁回。花心夢醒。鞭香拂散牛土。舊歌空憶。珠簾綵筆。倦題繡戶。

粘雞貼燕。想占斷東風來處。暗惹起一掬相思。亂若翠盤紅縷。今夜覓夢池秀句。明日動探花芳緒。寄聲沽酒人家。預約嬉遊伴侶。憐他梅柳。怎忍後天街酥雨。待過了一月燈期。日日醉扶歸去。

憶梅

元張翥

老樹渾苔。橫枝未葉。青春肯誤芳約。背陰未返冰魂。陽稍已含紅萼。佳人寒怯。誰驚起曉來梳掠。是月斜花外。么禽霜冷。竹閒幽鶴。雲淡淡。粉痕漸薄。風細細。凍香又落。叩門喜伴金樽倚。闌怕聽畫角。依稀夢裏。記半面淺窺珠箔。怎時得重寫鸞牋。去訪舊遊東閣。

送春

本朝袁袞

露泣疎英。煙啼密葉。惹起傷春情緒。游絲不綰。芳魂晚風。更催弱絮。鬱金堂靜。曾收得燕泥香未。顫枝頭雨點。嬌紅留得住。些春意。雲脈脈。珠簾怕捲。雨細細。玉窗慵倚。畫樓錦瑟無端。紫陌翠鈿畢聚。黃

鷓、無、數、怎、解、說、春、歸、何、處、恠、春、來、賺、得、愁、多、何、不、早、將、春、去

琵琶仙

荻渚

本朝陳枋

湖、畔、青、青、遠、疑、是、三、十、六、陂、秧、浸、五、月、蕭、颯、閒、塘、描、成、早、秋、景、便、不、  
雨、冥、濛、似、雨、但、葉、葉、梢、梢、聲、冷、六、尺、蒲、帆、雙、竿、酒、幔、移、坐、煙、艇、乍、  
風、起、吹、亞、沙、邊、漾、空、翠、明、涵、葛、衣、淨、宿、鷺、帶、波、飛、去、正、水、天、相、承、露、  
幾、處、魚、標、淺、在、倚、緯、蕭、返、照、疎、影、好、放、一、篷、中、流、碧、虛、如、鏡

渡江雲

春景

宋周邦彥

晴、嵐、低、楚、甸、煖、回、雁、翼、陣、勢、起、平、沙、驟、驚、春、在、眼、借、問、何、時、委、曲、到、  
山、家、塗、香、暈、色、盛、粉、飾、爭、作、妍、華、千、萬、絲、陌、頭、楊、柳、漸、漸、可、藏、鴉、  
堪、嗟、清、江、東、注、畫、舸、西、流、指、長、安、日、下、愁、宴、闌、風、翻、旗、尾、潮、濺、烏、紗

今朝正對初弦月。傍水驛深艤蒹葭。沈恨處。時時自剔燈花。

送春

元吳澄

名園花正好。嬌紅殢白。百態競春粧。笑痕添酒暈。豐臉凝脂。誰與試鉛霜。詩朋酒伴。趁此日。流轉風光。儘夜遊不妨。秉燭未覺是疎狂。茫茫一年一度。爛慢離披。似長江去浪。但要教啼鶯語燕。不怨盧郎。問春春道。何曾去。任蜂蝶飛過東牆。君看取。年年潘令河陽。

送友

本朝朱彝尊

萋萋街鼓歇。驚沙卷雪。白日澹幽州。望疎林郭外。剪剪酸風。蹙篋響籬頭。三杯兩盞。旗亭酒。怎把人留。看一霎。鞭絲茸帽。驅馬渡盧溝。離愁萬重。煙樹千疊。雲山縱相思。夢有尋不到。清江古渡。黃鶴空樓。趨庭正值。椒花讌醉。春盤儘許風流。能記憶。買田陽羨。人不

換巢鸞鳳



春情

宋史達祖

人若梅嬌。正愁橫斷塢。夢遶溪橋。倚風融漢粉。坐月怨秦簫。相思因  
怎到。纖腰定知我。今無魂可銷。佳期晚。謾幾度。淚痕相照。人悄天  
渺渺。花外語香時透。郎懷抱。暗握萸苗。乍嘗櫻顆。猶恨侵堦芳草。天  
念王昌忒多情。換巢鸞鳳教偕老。溫柔鄉。醉芙蓉。一帳春曉。

御帶花

感憶

本朝顧彩

長亭芳草離人處。讀遍荆榛碑碣。風村雨店。正詩魂愁老。酒狂翻熱。  
知否滿頭華髮。意可堪淒絕。垂鞭去。有人換馬。向柳條頻折。嘗盡  
天涯羈旅味。不願今生更言離別。朱顏凋謝。有千種風情。對誰明說。  
薄薄青衫。多付與淚痕沾溼。倩山館杜鵑啼後。問五更殘月。

萬年歡

憶梅

闕名

天氣嚴凝乍寒梅數枝。嶺上開圻。傳粉凝脂。疑是素娥粧拭。先報陽和。信息更雪月交光。一色因追念往日歡遊。共君攜手同摘。別來又經歲隔。奈高樓夢斷。無計尋覓。冷艷寒容。啼雨痕。煙愁溼。似向人前。淚滴。怎不使伊家。思憶還只恐寂寞空枝。又隨昨夜。羌笛。

絳都春

春愁

宋 蔣捷

春愁乍盡。正鶯背帶綠。酴醿花謝。細雨院深。淡月廊斜。重簾挂。歸時記約。燒燈夜。早拆盡鞦韆紅架。縱然歸近。風光又是。翠陰初夏。姪姪。嬾青泣白。恨玉佩罷舞。芳塵凝榭。幾擬倩人付與。蘭香秋羅帕。知他墮策斜籠馬。在底處。垂楊樓下。無言暗擁。嬌鬢鳳釵溜也。

解語花

元宵

宋周邦彥

風銷燭燭。露浥烘爐。花市光相射。桂花流瓦。纖雲散耿。耿素娥欲下。衣裳淡雅。看楚女纖腰。不把簫鼓喧人影。參差滿路。飄香麝。因念帝城放夜。望千門如畫。嬉笑遊冶。鈿車羅帕。相逢處。自有暗塵隨馬。年光是也。惟只見。舊情衰謝。清漏移。飛蓋歸來。從舞休歌罷。

觀荷

本朝張錫澤

涼生槭館。綠上漁磯。池面秋初逗。篆消晴晝。微風颭葉。葉競翻翠袖。凌波獨秀。似二八雲鬢還幼。向華清才試溫泉。猶帶朝酣酒。零落露珠暗溜。把雙鴛驚覺。魚浪香透。女兒浦口。迴蘭槳。整頓摘花纖手。清芬乍嗅。絲歷亂。惹愁依舊。到晚來。幽韻誰知。月上人歸後。

美人捧茶

萬錦雯

春光欲醉。晝漏初長。繡閣拋針線。重勻嬌面。薰籠畔漫把鳳團親碾。

銀濤輕濺早檜雨松風滿院捧碧甌半鞞鸞欵步花枝顫翠袖  
暗籠金釧對清香顏色一般婉變流鶯低囀驚午夢喚覺江郎還倦  
倩題團扇指架上茶蘼開偏待飲乾去捲珠簾放入雙棲燕

桂枝香

秋旅

宋張輯

梧桐雨細漸滴作秋聲被風驚碎潤逼衣篝線裊蕙鑪沈水悠悠歲  
月天涯醉一分秋一分憔悴紫簫吟斷素牋恨切夜寒鴻起又何  
苦淒涼客裏負草堂春綠竹溪空翠落葉西風吹老幾番塵世從前  
諳盡江湖味聽商歌歸興千里露侵宿酒疎簾淡月照人無寐

蟬

唐珣

松江舍北正水落晚汀霜老枯荻還見青筐似繡紺螯如戟西風有  
恨無腸斷悵東流幾番潮汐夜燈爭聚微光挂影誤投簾隙更喜

薦新、荔玉液正半殼含黃一醉秋色纖手香橙風味有人相憶江湖  
歲晚聽飛雪但沙痕空記行迹至今茶鼎時時猶記眼波愁碧

前題

本朝  
宋 學

江湖歲晚正水落空洲楓下高岸設斲平沙敗葦燈光零亂輪困乍  
向臨流得掩青筐霎時皆滿誰憐攜去漁莊草舍清霜一片又早  
是重陽歎宴歎秋色殊佳籬金初徧幾處酒人對擘新橙同薦老饗  
只愛持螯嚼想眉山曠懷如見還從醉後茶烹石鼎恍窺雙眼

看桂

顧景文

小山橫簇看澹日烘雲堆滿金粟閒倚青紅亭院晴飄輕馥深叢占  
斷三秋景倒芳樽細傾千斛寒蟬猶咽啼蟹乍起晚風搖綠更旖  
旎睡魂初足共兔影蟾光一生相逐袖滿天香肯把翠眉微蹙紅牙  
小板涼州管且偷翻桂枝新曲露濃人悄玉京吹下向花閒宿

曲江秋

夜飲

宋楊无咎

香消燼歇。喚沈水重燃。薰爐猶熱。銀漢墜懷冰。輪轉影冷。光侵毛髮。隨分且宴。設小槽酒。眞珠滑。漸覺夜闌。烏紗露濡。畫簷風揭。清絕輕紈弄月。緩歌處。眉山怨。疊持盃。須我醉。香紅映臉。雙腕凝霜。雪飲散晚歸來。花梢指點。流螢滅。睡未穩。東窗漸明。遠樹又聞鷓鴣。

翠樓吟

魂

本朝黃之雋

月魄荒唐。花靈髮鬢。相攜最無人處。闌干芳草外。忽驚轉。幾聲啼字。飄零何許。似一縷遊絲。因風吹去。渾無據。想應淒斷。路旁酸雨。日暮渺渺。愁予覺黯。然銷者。別情離緒。春陰樓外。遠入煙柳和鶯。私語連江。暝樹願打點。幽香隨郎黏住。能留否。只愁輕絕。化爲飛絮。

玉燭新

早梅

宋 周邦彥

溪源新臘後。見數朶江梅。剪裁初就。暈酥破玉。芳英嫩。故把春心輕漏。前村昨夜。想弄月黃昏時候。孤岸峭。疎影橫斜。濃香暗沾襟袖。樽前賦與多才。問嶺外風光。故人知否。壽陽謾鬪。終不似。照水一枝清瘦。風嬌雨秀。好亂插。繁花盈首。須信道。羗管無情。看看又奏。

珍珠簾

琉璃簾

宋 周 密

寶堦斜轉春宵翳。雲屏敞。霞卷東風新霽。光照萬里寒。曳冷雲垂地。暗憶連昌遊冶事。照炫轉。熒煌珠翠。難比是。鮫人織就。冰綃清淚。猶記夢入瑤臺正。玲瓏透月。瓊扉十二。細縷逗濃香。接翠蓬雲氣。縞夜梨花生。煖白浸瀲灩。一池春水。乘醉恍歸時。人在明河影裏。

咏簾

本朝 沈岸登

綠筠剪取煙江畔。依然是帝子啼痕紅染。細節理千絲。愛玉鈎長綰。象篔簹釘初上了。勝一片湘雲纖軟。深院更白珠連綴。翠羽橫卷。最怨陌上鈿車。被春風搖曳。暗藏人面。惆悵碧紋迴。有冷波吹練。鎮日珊瑚慵不起。便串斷蜻蜓誰管。銀蒜休誤了。歸來畫梁雙燕。

題楓香詞

錢柏齡

等閒敲出紅牙句。多應是仙骨。藐姑同賦。何似舊蘭臺。擅風流三楚。幾疊清商高雪苑。渾洗卻梨雲杏雨。良苦惹雙鬢。十八爭持紈素。那更叔夏蘋洲。到寫生絕處。頰毫輕度。若待捧吟時。定浣須薇露。調笑郵亭情漫切。縱怨極。何曾薄。怒如訴。莫空江。夜靜一彈再鼓。

木蘭花慢

清明

宋 柳 永



坼桐花爛熳。乍疎雨洗清明正。艷杏燒林。細桃繡野。芳景如屏。傾城  
盡尋勝賞。驟雕鞍紺轡。出郊坰。風暖繁絃脆管。萬家競奏新聲。盈  
盈鬪草踏青人。艷冶遞逢迎。向路旁往往。遺簪墮珥。珠翠縱橫。歡情  
對佳麗地。任金疊罄竭。玉山傾。拚卻明朝。永日畫堂一枕春醒。

上元

本朝

朱彝尊

今年風月好。正雪霽。鳳城時。把魚鑰都開。鈿車溢巷。火樹交枝。參差  
鬪蛾歌後。聽留家齊和落梅詞。翠幌低懸。冢寂紅樓。不閉歲。蕤  
眉簾卷。再休垂。眾裏被人窺。乍含羞。一瞬眼波。又擲鬢影。相隨腰肢  
風前轉側。卻凭肩。回眸似沈思。料是釵溜也。不知兜上鞋兒。

花犯

苔梅

宋

王沂孫

古輝娟。蒼髮素靨。盈盈瞰流水。斷魂十里。歎紺縷飄零。難繫離思。故

山嶽晚誰堪寄。琅玕聊自倚。漫記我綠簑衝雪孤舟寒浪裏。三花  
兩蕊破蒙茸。依依似有恨。明珠輕委。雲臥穩。藍衣正護春憔悴。羅浮  
夢半蟾挂曉。么鳳冷。山中人乍起。又喚取玉奴歸去。餘香空翠被。

瑞鶴仙

春情

宋 陸子逸

臉霞紅印枕。睡起來冠兒猶是不整。屏閒麝煤冷。但眉山壓翠。淚珠  
彈粉。堂深畫永。燕交飛。風簾露井。恨無人與說相思。近日帶圍寬盡。  
重省殘燈朱幌。淡月紗窗。那時風景。陽臺路遠。雲雨夢。便無準。待  
歸來。先指花梢。教看卻把心期。細問問。因循過了。青春怎生意穩。

秋歸

葛長庚

殘蟾明遠照。正一番霜訊。四山秋老。孤村帶清曉。有鳴鞭歸騎。亂林  
啼鳥。青帘縹緲。懶行時持杯自笑。怎年來。破帽彫裘。慣得淡煙荒草。

多少客愁羈思。雨泊風餐。水邊雲杪。西窗正好。疎竹外。粉牆小。念歸期相近。夢魂無奈。不爲羅輕寒。悄悄無人料理。黃花等閒過了。

寺松

本朝  
蔣景祁

何年冰雪貯。看燒節爲煙。團枝作塵。滄桑幾輕度。對伊渾不記。金元風雨。蒼然如許。聽濤聲。鱗鬣夜怒。未須愁。化石空壇。莫便吟龍飛去。無據。王孫草盡。賢士臺荒。大夫封處。衣冠太古。青燐夜。赤虬語。歎支離相伴。一篝佛火。沸徹僧寮。魚鼓做年年。送客長亭。銷魂此樹。

水龍吟

海棠

宋  
王沂孫

世閒無此。傳停玉環。朱破東風。睡將開。半斂似紅。還白。餘花怎比。偏占年華。禁煙纔過。夾衣初試。歎黃州一夢。燕宮絕筆。無人解看花意。猶記花陰同醉。小闌干。月高人起。千枝媚色。一庭芳景。清寒似水。

銀燭延嬌綠房留艷夜深花風怕明朝小  
雨濛濛便化作燕支淚

白蓮

張炎

仙人掌上芙蓉涓涓猶滴金盤露輕妝照水  
織裳玉立飄飄似舞幾度消凝滿湖煙月一汀鷗鷺  
記小舟夜悄波明香遠渾不見花開處應是浣紗人  
如褪紅衣被誰輕誤閒情雅淡冶姿清潤憑嬌待語  
隔浦相逢偶然傾蓋似傳心素怕湘臯珮解詩雲  
十里卷西風去

楊花

章棗

燕忙鶯懶芳殘正堤上柳花飄墜輕飛亂舞點畫  
青林全無才思閒趁游絲靜臨深院日長門閉傍珠  
簾散漫垂垂欲下依前被風扶起蘭帳玉人睡覺  
怪春衣雪沾瓊綴繡牀漸滿香毬無數才圓卻碎  
時見蜂兒仰粘輕粉魚吞池水望章臺路杳金鞍游  
蕩有盈盈淚

春恨

陳亮

開花深處層樓。畫簾半捲。東風輕軟。春歸翠陌。平莎茸嫩。垂楊金淺。遲日催花淡。雲閣雨輕寒。輕燠恨芳菲。世界遊人未賞。都付與鶯和燕。寂寞憑高念遠。向南樓一聲歸雁。金釵鬪草。青絲勒馬。風流雲散。羅綬分香。翠綃封淚。幾多幽怨。正銷魂又是疎煙淡。月子規聲斷。

游絲

元張 埜

落花天氣初晴。隨風幾縷。來何處。飄飄冉冉悠悠。颺颺欲留還去。雪繭新抽。青蟲暗墜。簷蛛輕度。看垂虹百尺。縈迴不一。似欲繫春光住。憑仗何人收取。付天孫雲綃機杼。浮踪浪跡。忍教長伴。章臺飛絮。惹起閒愁。織成離恨。萬千情緒。望天涯。盡日柔情不斷。又閒庭暮。

楊花

本朝 王士祿

玉堦晝晷全慵。任教細逐桃花墜。撩他燕眴。昵他鶯囀。曉情暮思。天與顛狂。去來那管。重門深閉。看將低。仍颺依稀。思婦眠初妥。還驚起。

纔到埤邊欄畔。又輕拈翠屏朱綴。似揜似趁。無拘無管。攪將春碎。解伴年年。多情春草。無情春水。更紅簾揭處。幾番偷入。伴人嬌淚。

白蓮

李符

天孫織就輕綃。問誰剪綴。銀塘冷玉。容倚翠芳。心抱苦半池開。並水染成。香月溶無色。夜來難認。便湔裙人到。雙垂皓腕。也應妬冰姿瑩。忽見萍分波淨。滿秋奩倒窺粧鏡。祇須分付粉兒。捧酒雪兒搖艇。采貯玻璃倩描雲母。北窗消領。怨涼飈乍卷。碎瓊收拾。剩田田影。

感舊

閨秀  
葉小鸞

芭蕉細雨蕭蕭。雨聲斷續。砧聲逗。凭欄極目。平林如畫。雲低晚岫。漸老金風乍零。玉露薄寒輕透。想江頭木葉紛紛。落盡只餘得青山瘦。且問沈寥秋氣。當年宋玉。應知否。半簾香霧。一庭煙月。幾聲殘漏。四壁吟蛩。數行征雁。漫消杯酒。待東籬綻滿黃花。摘取暗香盈袖。

憶舊遊

閨情

宋 周邦彥

記愁橫淺黛。淚洗紅鉛。門掩秋宵。墜葉驚離思。聽寒螿。泣亂雨。瀟瀟。鳳釵半脫雲鬢。窗影燭花搖。漸暗竹敲涼。疎螢照曉。兩地魂銷。迢迢問音信。道徑底花陰。時認鳴鑣也。擬臨朱戶。歎因郎。憔悴羞見郎。招舊巢更有新燕。楊柳拂河橋。但滿眼京塵。東風竟日吹露桃。